

ՄԵՂԱԴՐԱՐՔ, ԹԷ՞ ԽՈՍՏՈՎԱՆՈՒԹԻՒՆ

Յուլիսի 14-ին ՀՀՇ վարչութիւնը զուժարել էր ընդլայնուած նիստ, հրաւիրելով նաեւ լրագրողներին, ինչը պէտք է հաւանաբար բացատրել նրանով, որ ՀՀՇ վարչութիւնը կազմակերպութեան ներսում տիրող իրական վիճակը այնքա թարքնել չկարողանարով, ներքին պառակտման խորացումը, ինչպէս եւ այլեայլ մեկնաբար-նումները կանխելու ցանկութեամբ նպատակայարմար է գտել հանդէս գալու հրապարակայնութեան նախաձեռնութեամբ:

Ներկայացնում ենք վարչութեան նախագահ Վ. Սիրադեղեանի նիստում ունեցած ելոյթը կրճատումներով:

-Նախ ինչ է տեղի ունեցել նախորդ նիստից յետոյ: Բաղաքի աւետարական ցանցը արդէն երեք շաբաթ է, կարելի է ասել, չի աշխատում: ԲՄՍՍի մարմինները համապարփակ ստուգումներ են անցկացնում միայն քաղաքի այն ցանցում, որը գլխաւորում են Աբերտ Բաղդասարեանը եւ Սերգեյեանի ՀՀՇից Արմէն Յարութիւնեանը՝ աւետարի վարչութեան պետը: Հիմա իրաւապահ մարմինները զբաղուած են այդ ցանցով: Միւս աւազակաորջերին ձեռք չեն տալիս: Ես դա համարում եմ քաղաքական ակցիա, որը երկու ուղղւածութիւն ունի՝ ՀՀՇն վարկաբեկել ժողովրդի աչքում եւ ջախջախել, երկրորդը՝ այն հին կլանները (...) ստիպել են օրգաններին կամ գործարքի մէջ են մտել կառավարութեան հետ եւ խփում են այդ նոր սաղմնաւորուող նախաձեռնութեանը: Մի կողմից տնտեսական-կլանային, միւս կողմից, որ անելի կարելի է, քաղաքական:

Աբերտ Բաղդասարեանը հանդէս եկաւ յայտարարութեամբ, որ ինքը դուրս է գալիս վարչութեան կազմից, դուրս կը գայ նաեւ Գերագոյն Խորհրդից (...):

Միւս վարչութեան նիստում Աւետիք Իշխանեանը յայտարարեց, որ ինքը դուրս է գալիս վարչութեան կազմից, որովհետեւ իշխանութեան պայքար է գնում եւ ինքը չի ուզում մասնակցել դրան: Այդ նոյն նիստում Դաւիթ Վարդանեանը, որը մշտական հրաւիրուած էր, ասաց, որ ինքը այլեւ չի

մասնակցի վարչութեան նիստերին: Այդ ընթացքում տեղի է ունեցել վարչապետի ելոյթը հեռուտատեսութեամբ, որտեղ նա եւս մի անգամ հրաժարուել է ՀՀՇից: Տեղի է ունեցել վարչապետի հանդիպումը կոմերիտմիութեան կենտկոմում, որտեղ նրանց խոստացել էր իր հովանաւորութիւնը շէնքը վերադարձնելու գործում: Կոմերիտականներն ասել են, որ Գերագոյն Խորհրդի վրայ իրենց յոյս էին կապել, այսույետեւ վարչապետի թիկունքին կանգնած կը լինեն:

Յիշո՞ւմ էք, համագումարում ես չկարողացի իմ զեկուցման երկրորդ մասը, որը վերաբերում էր ներքին քաղաքականութեանը, հանրապետութեան իրավիճակին: Կարելի է ասել, որ ես սխալ արեցի, բայց նաեւ համագումարն էր զուցէ սխալ, որը չպահանջեց, որ ես դա կարդամ: Բայց կարծում եմ, մենք բոլորս միտք ունենք, որ խուսափենք առճակատումից: Այն բոլորը, ինչ ասեցի իմ նախորդ ելոյթում եւ այսօր, երեւում է փաստաթղթում, այդ բոլորը Օգոստոսի վերջից, Սեպտեմբերի սկզբից է սկսուել եւ դա յայտնի էր բոլորին: (Յետոյ) Ստեղծուեց վարչութեան, կամ «Ղարաբաղ» կոմիտէի մի տարբերակ, 5 հոգուց բաղկացած՝ Վազգէն Մանուկեանը, Լեւոն Տեր Պետրոսեանը, Դաւիթ Վարդանեանը, եւ, Աշոտ Մանուշարեանը, որոնք պիտի կոորդինացնէին ինչ-ինչ բնագաւառների գործունէութիւնը: Դա շաշխատեց, որովհե-

տեւ վարչապետը չուզեց աշխատել: Դա քայքայուեց: Յետոյ 2 ամիս կամ ամիսուկէս առաջ ստեղծեց, վարչութեան զայրոյթից, անելանելի վիճակից ծնուեց այդ ատեանը: Ես մի մարմին, կուսակցական մարմին, որը դարձեալ պիտի կոորդինացնէր: Այդ մարմինը ընտրուեց փակ, գաղտնի քուէարկութեամբ:

Վարչապետը նիստերից մէկի ժամանակ յայտարարեց, որ ինքը ոչ սահմանադրական մարմնի որոշումներ չի կատարի եւ մենք որոշեցինք ստեղծել սահմանադրական մարմին՝ Գերագոյն Խորհրդի նոր նախագահութիւն, որին ինչ-որ լիազօրութիւններ տալ եւ որոշեցինք, որ այդ մարմինը կ'անցնի միայն այն դէպքում, երբ Վազգէն Մանուկեանն ու Լեւոն Տեր Պետրոսեանը կը պաշտպանեն դրա անհրաժեշտութիւնը պառլամենտում: Վարչապետը ոչ միայն չը պաշտպանեց, այլեւ դեմ հանդէս եկաւ: Այսինքն էր մարմինն էլ չաշխատեց: Միւս բոլոր ջանքերը (...) անցան ապարդիւն: Ես նոյնիսկ իջայ այն աստիճանի, որ կանանց ծաղիկներ էի աւնում, սուրճ էի խմում հետները, քծնում էի: Բաղաքական գործչին, կազմակերպութեան ղեկավարին ոչ վայել բան, բայց դա էլ չանցաւ: Եւ ես ուզում եմ, որ այնուամենայնիւ վերջին պատրանքը ցրուի եւ մենք դառնանք քաղաքական կազմակերպութիւն: Ոչ թէ թերութիւնների, թերացումների մասին է խօսքը՝ այստեղ պարզ իշխանութեան հարց է: Գնում է իշխանութեան համար կատարի պայքար:

Այսօր Գերագոյն Խորհուրդը իշխանութիւն չունի, բնականաբար ՀՀՇն նոյնպէս չունի: Իշխանութեան հարցում բարոյական կատեգորիաները եւ հոգեբանական նիւանսները ոչ մի դեր չեն խաղում: Մենք շատ երկար յոյս դրեցինք, յենուեցինք «Ղարաբաղ» կոմիտէի լուսապսակի վրայ, որը ժողովուրդն ընդունում էր: «Ղարա-

բաղ» կոմիտէի անունը պէտք չէր գցել, պէտք չէր այդ լուսապսակը իջեցնել, բայց պէտք է խոստովանել, որ վարչութիւնն էլ չունեցաւ այդ տղամարդկութիւնը, այդ ըզզաստութիւնը եւ խորհուրդն էլ հաւանաբար զուցէ արդէն ուղիղ մի մեղքով, որ յայտարարէր, որ «Ղարաբաղ» կոմիտէ գոյութիւն չունի արդէն Սեպտեմբեր ամսից: Եւ վարչութիւնն էլ իր վրայ չվերցրեց Հայոց Համազգային Շարժման իշխանութիւնը: Փաստօրէն գոյութիւն չունէր «Ղարաբաղ» կոմիտէ, վարչութիւնը, որը հիմնականում համաձայնում էր «Ղարաբաղ» կոմիտէի հետ, մնաց քաղաքականութիւնից դուրս: Եւ իրօք, մենք ժողովրդի ցանկութիւններին, երազանքներին կույ զնալով, երկար ժամանակ թաքցնում էինք, որ գոյութիւն չունի «Ղարաբաղ» կոմիտէ, որ «Ղարաբաղ» կոմիտէում միասնականութիւն չկայ եւ ամեն անհատ իր համար քաղաքականութիւն է վարում: Թաքցրեցինք՝ դա փոքրագոյն էր, դա քաղաքական անհեռատեսութիւն էր ՀՀՇի կողմից եւ վարչութեան կողմից, եթէ կոպիտ չասեմ: Եւ հիմա մենք փաստի առաջ ենք կանգնած:

Ասեմ նաեւ, մեր գրանցման մասին ձեր որոշումը ես չկարողացայ կատարել: Արդէն բոլոր կուսակցութիւնները գրանցուել են, կարծեմ այսօր, կամ վաղը գրանցում է կոմկուսը:

Արդարադատութեան նախարար Վահէ Ստեփանեանը չի գրանցում Հայոց Համազգային Շարժումը: Ես իմ անձնական ձեւերը կարող եմ ունենալ ստիպել գրանցել, բայց այնուամենայնիւ սախորհրդի որոշելու հարց է: Որովհետեւ եթէ Դաշնակցական կուսակցութիւնը ընդհատակեայ համագումար է անում եւ դրանով գրանցում է, Արդարադատութեան նախարարութիւնը ոչ մի պատճառ չունի Հայոց Համազգային Շարժումը չգրանցելու: Այսքանը: